

## **Plenchi**

### **Bèl a bati**

**Bèlèm bèlèm, bèl ta korda nos riba nos kompromiso den kuaresma. Despues di hopi baile i goso i dibertishon, e tempu di refleksyon i apstenensia a drehta. Subi nos plenchi pa bo mes tuma nota ku tin hopi kos. Henter aña nos plenchinan ta yen ku informashon i positivismo. Spera boso a selebrá di tal manera ku bida por sigui normal. Kuida e salú i tene kuenta ku e struktura i rutina ku mester tin den kas pa kosnan kana organisá. Traha skema pa tur aktividat. Ki ora ta lanta, mainta pa tur hende yega trabou of skol trempan. Bo no por lanta mitar di shete i kere bo ta yega skol mitar di ocho. Tene kuenta ku ta hende abo ta i bo yunan tambe. Nan messter di nan tempu pa lanta, bin bei i hasi tur loke nan mester hasi pa prepará pa bai skol.**

**Duna nan algu pa kome mainta pa nan karga nan bateria pa por funkshoná na skol.**

**Nos ta duna boso awe algun tep di programa ku bo por traha pa asina duna struktura na boso aktividatnan den kas mainta. Pero tambe atardi of merdia.**

**Tur kas ku tin struktura i organissashon ta duna un base pa un mihó funshonamentu di kada persona den dje. Si na kas e hóben no haña struktura e tin mas difikultat pa funshoná den grupo mas grandi na skol.**

**Na skol por sigui konstrui riba e fundeshi di struktura aki, pero no por spera di skol ku e ta pone e fundeshi.**

### **Orashon**

**Señor,**

**Ora mi tambalea, wantami duru.**

**Ora mi kue kaminda robes, guiami prome mi pèrde.**

**Ora mi sinti mi kurpa i spiritu falta forsa, yenami ku fortaleza.**

**Ora mi tin hamber pa pas, yenami ku Bo pas.**

**Ora mi ta desesperá, dunami speransa i manda Bo lus pa guiami.**

**Ora e dolornan ta asina fuerte, kalmanan i manda bo Spiritu di sanashon.**

## Riba roster

Un skema pa yudabu organisá i plania mainta.

Esaki ta traha solamente si bo ta biba mei ora leu for di skol. Anto e trafiko ta rustig ainda 6.45. Sino bo mester plania mas reimu i Sali mas trempan. E yunan mester di sigur mei ora pa 45 minut pa nan prepara pa Sali. Esei si bo ta laga nan pone tur kos kla anochi. Mainta no mag buska nada. Ni buki, ni paña ni pia di mea. Tur kos kla ppne prome drumi anochi.

<b>Ora</b>	<b>aktividat</b>	<b>Material</b>
5.45	Lanta for di soño, hasi orashon di gratitut pa dia nobo. Spula boka.	Wèker
5.50	<ul style="list-style-type: none"><li>Bai kushina prepará tur kos pa muchanan bai skol of kome mainta</li><li>Keinta awa pa muchanan baña of pa te</li></ul>	Ketel yena for di anochi Pan i belèg klá poné Tur trònchi di pan i tèrmos.
6.00	<ul style="list-style-type: none"><li>Lanta yu(nan) for di soño i hasi orashon ku nan pa gradisí pa un dia nobo</li><li>Tur ta skeiru djente. Bo ta bañanan of ta manda nan bai baña.</li></ul>	Kariñosamente. No grita spanta nan. Tene nan na man baha nan for di kama i guia nan te na baño. Por buta muzik pa nan
6.30	Mientras nan ta kome abo ta bai drecha	Tur paña di bo i yunan ta striká klá poné pa bisti. Tur tas ta drechá for di anochi ku eksepsion di e kosnan di kome.
6.45	Tur hende ta drenta outo pa Sali bai skol	Laga tur mucha mes kue nan tas. Ta nan responsabilidat pa kue esaki semper.
7.15	Baha yunan na skol i duna nan bendishon	Nan ta kue nan tas i baha na skol.

No yega skol mas lat ku 7.15 si skol ta kuminsáa 7.30. E yu mester tin tampu pa aklimatisá promé ku e kuminsá ku lès

## **Den agènda**

**1 t/m 10 april 2015 Pasku di resurekshon**

### **Mi ta konta**

#### **E spil**

Bisiñanan antes tabata biba bon ku otro. Nan tabata fia otro un kuchaa di manteka, poko suku. Nan tabata tira bista riba otro su yu, ora e otro tin ku Sali etc. Pero Bisiña sa kue guera feros tambe. Anto den hopi kaso nan tabatin kos pa konta di otro. Mas kos bo komparti ora boso ta masha bon, mas kos bo tin pa tira na otro su kara tambe den tempu di guera.

Anto mayoria biaha i kacho ta hunga un ròl grandi den e guera aki.

Kachonan tabata haña tur nòmber ku por insultá e bisiña. Nombenan manera:

“La muerte, guepi sin mondongo, morte hamber, sinberguensa” djis pa nombra un par.

Sin papia ku otro nan ta manda mensahe yamando e kacho,; “Sin berguensa, atabu na porte hende atrobe ta buska kuminda”. “Bin aki sinberguensa, bo kara no tin wesu”. Te hasta nan tabata golpia e kacho pa kita su simberguensa for di dje, djis pa un puña pa e bisiña.

Danki Dios e tormenta di kacho aki a pasa pa historia. Kacho a haña un lugar mas hustu. E ta mas e kompañero fiel ku nos ta kuida ku amor.

Straño no, ku e kacho mester tabata un spil pa e bisiña sa su berdat. E kacho tabata un spil pa su doño wak su aktitut di tèrmentu i di maltrato di bestia, òf no? Ora bo muestra dede riba otro, korda ku si ta dilanti di un spil bo ta e dede ta muestra riba bo mes.

### **Un preñchi**

#### **Pa Yufrou Glenda Jeandor**

Yùfr Glenda Jeandor a gradua na Akademia Pedagógiko na 1972 i a traha 40 aña den enseñansa en partikular enseñansa Katóliko

Ela traha komo maestra na diferente skol básiko

E tempu ei el a fungi tambe komo mèntris pa e studiantenan di Akademia Pedagógiko durante hopi aña.

El a forma parti di scouting komo lider di “welpen” den Grupo Amador Nita durante di e temporada ei.

Despues di Akademia Pedagógiko ela studia Spañó i Ingles i a traha na MAVO di anochi dunado les den e 2 idioma aki.

Tambe ela traha na edukashon di adulto i a duna les di Ingles na adultonan .

Den su tempu liber e tabata yuda alumnonan di skol básiko i MAVO/ HAVO ku tabatin problema ku idioma, algu ku semper el a gusta hasi.

E delaster 10 añanan e la traha na VSBO St. Jozef komo dosente di Ingles, Spañó i “Remedial Teacher”.

Aki tambe el a guia studiantenan di Ingles i Spañó di nos Universidat den su klas ,den nan proseso pa bira dosente.





**Yufrou Jeandor, despues di 40 ana den enseñansa ketu bai aktivo komo bolutario na skol.**



St. jozef Brass

Na VSBO St. Jozef el a lanta, huntu ku alumno Alton Paas, un brasbènt di skol. E idea a bini di Alton Paas kende tabata e promé trener , sigui pa sra Libiana Albert komo trener i e treinernan aktual ta Sr. Mollis i Sr. Koster. St. Jozef Brass tin komo miembro alumno – i èks-alumnonan di VSBO St. Jozef. E brasbènt tin su reglanan bon stipulá. Aparte di siña e miembronan toka , ta pone atenshon na balornan manera responsabilidat, rèspèt, disiplina

i bon komportashon. Tambe ta forma tur aña dos lider- asistente, ku ta yuda yùfr Jeandor ku sierto tareanan. E miembronan mes ta drecha nan instrumèntnan ora ta nesesario.

### **Mucha djispou**

**Peter ta puntra su kasá Edith si e sa ken a inventá martin.**

**Edith ta pensa un ratu promé e kontestá.**

**“Mi no sa, pero mi ta kere ta e mesun hende homber ku a inventá palabra mahos. Lo el a dal su dede asina tentu i zundra hasi mahos ku e dos inventonan aki mester a kana par par. “**